




მიმდინარე ეკონომიკური ტენდენციები

მაისი, 2020



მოკლე შეჯამება


- სტატისტიკის ეროვნული სამსახურის წინასწარი შეფასებით, 2020 წლის აპრილში, რეალური მთლიანი შიდა პროდუქტის ზრდის ტემპმა შეადგინა -16.6%, ხოლო პირველი ოთხი თვის საშუალო რეალური ზრდა განისაზღვრა -3.6 პროცენტით
- წლიურმა ინფლაციამ მაისში შეადგინა 6.5%, ხოლო საბაზისო ინფლაციამ - 5.9%
- აპრილში ექსპორტი შემცირდა წლიურად 27.4 %-ით
- აპრილში იმპორტი შემცირდა წლიურად 38.5 %-ით
- 2020 წლის აპრილში ტურიზმიდან მიღებული შემოსავალი შემცირდა 96.8 %-ით



ეკონომიკური ზრდა

2020 წლის აპრილში, წლიურმა ეკონომიკურმა ზრდამ შეადგინა -16.6 პროცენტი, ხოლო 2020 წლის პირველი ოთხი თვის საშუალო მაჩვენებელი -3.6 პროცენტით განისაზღვრა. აღნიშნული მკვეთრი შემცირება გამოწვეულია ეკონომიკური აქტივობის შემცირებით, როგორც ქვეყნის შიგნით, ასევე რეგიონში COVID-19 პანდემიის გავრცელების გამო. 2020 წლის აპრილში, წინა წლის შესაბამის პერიოდთან შედარებით, ზრდა დაფიქსირდა სამთომოპოვებითი მრეწველობის დარგში. ხოლო კლება დაფიქსირდა ყველა სექტორში.

დიაგრამა 1: ეკონომიკური ზრდა




ფასების დონე

2020 წლის მაისის მონაცემებით, ინფლაციის დონემ 6.5 პროცენტი შეადგინა წინა წლის ანალოგიურ პერიოდთან შედარებით, რაც მიზნობრივ ინფლაციაზე მაღალია. საბაზო ინფლაცია კი შესაბამის პერიოდში 5.9 პროცენტზე დაფიქსირდა. აქციის განაკვეთის ცვლილების ეფექტი ასევე ასახული იქნება 2020 წლის ინფლაციაზე. თამბაქოს ფასის ცვლილების ეფექტი 2020 წლის მაისის ინფლაციაში 0.4 პუნქტს შეადგენს.


წლიური ინფლაციის ფორმირებაზე ძირითადი გავლენა იქონია ფასების დინამიკამ სურსათსა და უალკოჰოლო სასმელებზე (+14.7%), ავეჯი, საოჯახო ნივთები, სახლის მოვლა (+8.3%), სასტუმროები, კაფეები (+6.1%). ხოლო წლიური კლება დაფიქსირდა ტრანსპორტის (-4.6%), დასვენება, გართობა და კულტურა (-1.7%) და ტანსაცმლისა და ფეხსაცმლის (-1.4%) კატეგორიებში.

ამავე დროს, 2020 წლის მაისში წინა თვესთან შედარებით ინფლაციამ შეადგინა 0.2 პროცენტი, რაც მნიშვნელოვნად იყო გამოწვეული სასტუმროები, კაფეები და რესტორნების კატეგორიის ფასის მომატებამ (+4.3%), ჯანმრთელობის დაცვის (+1.3%) ფასის ზრდით და ტრანსპორტის ჯგუფში ფასების 2.4 პროცენტით შემცირებით.

დიაგრამა 2: წლიური ინფლაცია, 2020 მაისი




დიაგრამა 3: ინფლაციის დეკომპოზიცია, 2020 მაისი




საბარემო გაჭრობა


დიაგრამა 4: ექსპორტის წლიური ცვლილება



დიაგრამა 5: იმპორტის წლიური ცვლილება



დიაგრამა 6: იმპორტის ცვლილების დეკომპოზიცია



2020 წლის აპრილში ექსპორტი წლიურად შემცირდა 27.4 პროცენტით და გაუტოლდა 223.2 მლნ აშშ დოლარს, ხოლო იმპორტი შემცირდა 38.5 პროცენტით და გაუტოლდა 458 მლნ აშშ დოლარს, რამაც შეამცირა სავაჭრო დეფიციტი 46.3%-ით წინა წლის ანალოგიურ პერიოდთან შედარებით და გაუტოლდა 234.8 მლნ აშშ დოლარს. აღნიშნული მნიშვნელოვანი შემცირება გამოწვეულია საშინაო და საგარეო მოთხოვნის შემცირებით და მსოფლიოსა და რეგიონში ეკონომიკური აქტივობის შეჩერებით COVID-19 ეპიდემიის გავრცელების შედეგად.

ექსპორტისა და იმპორტის ცვლილებისას მნიშვნელოვანია რეალური ზრდისა და ფასისმიერი ეფექტის გამოყოფა. 2020 წლის აპრილში ექსპორტის რეალურმა ზრდამ -26.1 პროცენტი შეადგინა, ხოლო იმპორტის რეალურმა ზრდამ -33.9 პროცენტი.

2020 წლის აპრილში, საინვესტიციო საქონლის იმპორტი, შუალედური საქონლის იმპორტი და სამომხმარებლო საქონლის იმპორტი შემცირდა 16.8, 13 და 8.7 პროცენტით შესაბამისად.


2020 წლის აპრილში სასაქონლო ჯგუფებიდან საექსპორტო ათეულში პირველი ადგილი დაიკავა სპილენძის მადნებმა და კონცენტრატებმა 56.7 მლნ. აშშ დოლარით (მთლიანი ექსპორტის 25.4 პროცენტი), მეორე ადგილზე - ფეროშენადნობები 33.6 მლნ აშშ დოლარით (მთლიანი ექსპორტის 15.1 პროცენტი), ხოლო მესამე ადგილზე - მედიკამენტები 15.8 მლნ. აშშ დოლარით (7.1 პროცენტი). უმსხვილესი საიმპორტო სასაქონლო ჯგუფი 2020 წლის აპრილში შეადგინა სპილენძის მადნების და კონცენტრატების ჯგუფმა, რომლის იმპორტმა 55 მლნ. აშშ დოლარი და მთელი იმპორტის 12 პროცენტი შეადგინა. ასევე მნიშვნელოვან წილს იკავებდნენ მედიკამენტები 37.5 მლნ აშშ დოლარით (იმპორტის 8.2 პროცენტი) და ნავთობის აირები 22.3 მლნ. აშშ დოლარით (იმპორტის 4.9 პროცენტი).

2020 წლის აპრილში უმსხვილეს საექსპორტო პარტნიორს წარმოადგენენ ჩინეთი (35.6 მლნ. აშშ დოლარი, მთლიანი ექსპორტის 16%), რუსეთი (34.4 მლნ. აშშ დოლარი, 15.4%) და ბულგარეთი (21.8 მლნ. აშშ დოლარი, 12.6%). ხოლო უმსხვილესი საიმპორტო პარტნიორი ქვეყნები არიან: რუსეთი (59.9 მლნ. აშშ დოლარი, მთლიანი იმპორტის 13.1%) თურქეთი (57.4 მლნ. აშშ დოლარი, 12.5%) და აზერბაიჯანი (37.5 მლნ. აშშ დოლარი, 8.2%).

ტურიზმი


2020 წლის აპრილში ტურიზმიდან მიღებული შემოსავლები 96.8 პროცენტით შემცირდა და 8.5 მილიონი აშშ დოლარი შეადგინა. აღნიშნული მკვეთრი შემცირება გამოწვეულია COVID-19 ეპიდემიის გავრცელებით გამოწვეული საზღვრების ჩაკეტვით და საერთაშორისო მოგზაურობის შეწყვეტით საქართველოს ტერიტორიაზე მარტის მეორე ნახევრიდან. 2019 წელს, ტურიზმიდან მიღებული შემოსავალი გაიზარდა 1.4 პროცენტით. აღნიშნული შეფარდებით მცირე ზრდა გამოწვეულია ივლისში დაწესებული ფრენების აკრძალვით რუსეთიდან საქართველოს მიმართულებით. თუმცა, ამავე დროს სხვა ქვეყნებიდან გაზრდილმა შემოსავალმა მოახერხა აღნიშნული უარყოფითი შოკის გავლენის შემსუბუქება. ამავე დროს, ვიზიტორთა რაოდენობა 2019 წელს წლიურად გაიზარდა 8.4 პროცენტით.

დიაგრამა 7: შემოსავალი ტურიზმიდან, მლნ აშშ დოლარი



წყარო: საქართველოს ეროვნული ბანკი

დიაგრამა 8: ტოპ ქვეყნები, ტურიზმი




წყარო: საქართველოს ეროვნული ბანკი

ფულადი გზავნილები

2020 წლის აპრილში წმინდა ფულადი გზავნილები 69.1 მილიონი აშშ დოლარით განისაზღვრა, რაც შეადგენს 41.5 პროცენტთან წლიურ კლებას. აღნიშნული შემცირება გამოწვეულია გზავნილების წყარო ქვეყნებში შემცირებული ეკონომიკური საქმიანობით COVID-19 პანდემიის გავრცელების ფონზე. ამის ფონზე, გზავნილები შემცირდა რუსეთიდან 65.4 პროცენტით (-15.4 პროცენტიანი წვლილი მთლიან ზრდაში), ისრაელიდან 48 პროცენტით (-5.3 პროცენტიანი წვლილი მთლიან ზრდაში), იტალიიდან 21.1 პროცენტით (-4.2 პროცენტიანი წვლილი მთლიან ზრდაში), თურქეთიდან 23.9 პროცენტით (-1.1 პროცენტიანი წვლილი მთლიან ზრდაში), საბერძნეთიდან -36.8 პროცენტით (-4.8 პროცენტიანი წვლილი მთლიან ზრდაში). ამავე დროს, ზრდა დაფიქსირდა აზერბაიჯანიდან 180.2 პროცენტით (0.9 პროცენტიანი წვლილი მთლიან ზრდაში), უკრაინიდან 21.1 პროცენტით (0.1 პროცენტიანი წვლილი მთლიან ზრდაში), გერმანიიდან 4 პროცენტით (0.1 პროცენტიანი წვლილი მთლიან ზრდაში).


დიაგრამა 9: წმინდა ფულადი გზავნილები



წყარო: საქართველოს ეროვნული ბანკი


ბაცვლითი კურსი

დიაგრამა 10: ნომინალური ეფექტური გაცვლითი კურსი



წყარო: საქართველოს ეროვნული ბანკი

დიაგრამა 10: რეალური ეფექტური გაცვლითი კურსი



წყარო: საქართველოს ეროვნული ბანკი

31 მაისის მდგომარეობით, 2019 წლის 1 იანვართან შედარებით, ლარის ნომინალური ეფექტური გაცვლითი კურსი 10.7 პროცენტით არის გაუფასურებული, ხოლო 2018 წლის 1 იანვართან შედარებით კი 3.4 პროცენტით. ამავე დროს, მაისის რეალური ეფექტური გაცვლითი კურსი 5.4 პროცენტით არის გაუფასურებული წინა წლის იანვართან შედარებით და 2.1 პროცენტით გაუფასურებული 2018 წლის იანვართან შედარებით.

მაისის ბოლოს მდგომარეობით, ლარის ნომინალური ეფექტური კურსი საშუალოვადიანი ტრენდიდან 8.5 პროცენტით არის გაუფასურებული, აპრილის რეალური ეფექტური გაცვლით კურსი არის გაუფასურებული 3.1 პროცენტით საშუალოვადიანი ტრენდთან შედარებით.

მაისის განმავლობაში არსებული გაუფასურება გამოწვეულია COVID-19 ეპიდემიის გავრცელებითა და ნავთობის საერთაშორისო ფასის შემცირებით, რამაც აისახა სავაჭრო პარტნიორების ეკონომიკურ აქტივობაზე, ტურიზმიდან მიღებულს შემოსავალსა და ფულად გზავნილებზე. ამავე დროს, გაცვლითი კურსის გაუფასურებაზე ასევე იმოქმედა ზემოთ აღნიშნული მოვლენების გამო ჩამოყალიბებულმა უარყოფითმა მოლოდინებმა.

ცხრილი 1: ნომინალური ეფექტური და რეალური ეფექტური გაცვლითი კურსების ცვლილება

	31 მაისი, 2020	31 მაი 2020 - 1 იან 2019	31 მაი 2020 - 1 იან 2018
ევრო	3.5366	▼ -21.0%	▼ -26.1%
აშშ დოლარი	3.1761	▼ -16.7%	▼ -24.5%
თურქული ლირა	0.4654	▲ 61.2%	▲ 76.0%
რუსული რუბლი	0.0450	▼ -4.5%	▼ -27.8%
ნომინალური ეფექტური გაცვლითი კურსი	114.17	▼ -10.7%	▼ -3.4%
რეალური ეფექტური გაცვლითი კურსი (აპრილი, 2020)	113.20	▼ -5.4%	▼ -2.1%

წყარო: საქართველოს ეროვნული ბანკი

ნაერთი ბიუჯეტის შესრულება


2020 წლის გადასახადების იანვარ-მაისის საპროგნოზო მაჩვენებელი 4,785.8 მლნ ლარს შეადგენს, 2020 წლის იანვარ-მაისის ფაქტიური მაჩვენებელი დაგეგმილზე -6.6 პროცენტით ნაკლებია, რაც 316.2 მლნ ლარს შეადგენს.

რაც შეეხება 2020 წლის მაისს, გადასახადების მაისის საპროგნოზო მაჩვენებელი 1,028.6 მლნ ლარს შეადგენს, 2020 წლის მაისის ფაქტიური მაჩვენებელი დაგეგმილზე 30.0 პროცენტით ნაკლებია, რაც 308.8 მლნ ლარს შეადგენს.

- საშემოსავლო გადასახადის სახით მობილიზებულია 252.5 მლნ ლარი, რაც საპროგნოზო მაჩვენებლის (320.0 მლნ ლარი) 78.9%-ია.
- მოგების გადასახადის სახით მობილიზებულია 43.7 მლნ ლარი, რაც საპროგნოზო მაჩვენებლის (78.0 მლნ ლარი) 56.0%-ია.
- დამატებული ღირებულების გადასახადის სახით მობილიზებულია 242.4 მლნ ლარი, რაც საპროგნოზო მაჩვენებლის (429.0 მლნ ლარი) 56.5%-ია.
- აქციზის სახით მობილიზებულია 106.0 მლნ ლარი, რაც საპროგნოზო მაჩვენებლის (110.6 მლნ ლარი) 95.8%-ია.
- იმპორტის გადასახადის სახით მობილიზებულია 4.6 მლნ ლარი, რაც საპროგნოზო მაჩვენებლის (6.5 მლნ ლარი) 70.8%-ია.
- ქონების გადასახადის სახით მობილიზებულია 1.4 მლნ ლარი, რაც საპროგნოზო მაჩვენებლის (4.5 მლნ ლარი) 31.1%-ია.
- სხვა გადასახადი შეადგენს 69.3 მლნ ლარს.


2020 წლის აპრილში, წინა წლის ანალოგიურ პერიოდთან შედარებით, ნაერთი ბიუჯეტის შემოსავლები შემცირდა 4.5%-ით, ხოლო ხარჯები შემცირდა 0.5%-ით. ამავე დროს, ნაერთი ბიუჯეტის საოპერაციო სალდო, რაც წარმოადგენს მთავრობის დანაზოგს, შეადგინა 28.6 მლნ ლარით, ხოლო მთლიანი სალდო განისაზღვრა -170.7 მლნ ლარით.

დიაგრამა 11: ნაერთი ბიუჯეტის შესრულება



წყარო: საქართველოს ფინანსთა სამინისტრო


დიაგრამა 12: ნაერთი ბიუჯეტის მთლიანი სალდო



წყარო: საქართველოს ფინანსთა სამინისტრო

სახაზინო ფასიანი ქაღალდების პორტფელი


დიაგრამა 13: პორტფელის შემოსავლიანობის მრუდი




2020 წლის მაისში ჩატარდა 4 აუქციონი ჯამური გამოშვებით 280 მლნ ლარი, რომლის საშუალო შეწონილმა საპროცენტო განაკვეთმა 8.874% შეადგინა. გამოშვებულ იქნა 6 და 12 თვის ვადიანობის სახაზინო ვალდებულებები; 2 და 5 წლის ვადიანობის სახაზინო ობლიგაციები. დაიფარა 110 მლნ ლარის მოცულობის ფასიანი ქაღალდები. პორტფელის შემოსავლიანობა მნიშვნელოვნად არ შეცვლილა.

2020 წლის 31 მაისისათვის სახელმწიფო ფასიანი ქაღალდების პორტფელის 35% ფორმირებული არის იმ ფასიანი ქაღალდებით, რომელთა დაფარვის ვადა დგება მომავალი 1 წლის განმავლობაში. მოთხოვნის კოეფიციენტი გასული თვის მაჩვენებელთან (აპრილი 1.84) შედარებით გაიზარდა და 1.98 შეადგინა.


დიაგრამა 14: საშუალო შეწონილი საპროცენტო განაკვეთი



დიაგრამა 15: ემისია და მოთხოვნა, მლნ ლარი



დიაგრამა 16: პორტფელში შემავალი ფასიანი ქაღალდების კომპოზიცია დაფარვამდე დარჩენილი ვადის მიხედვით



კერძო სექტორის დოლარიზაცია


სესხების ლარიზაციას მზარდი ტენდენცია გააჩნია. მთლიანი სესხების ლარიზაცია მნიშვნელოვანწილად განპირობებულია ფიზიკურ პირებზე გაცემული სესხების ლარიზაციით. 2020 წლის 1 მაისის მდგომარეობით, ფიზიკურ პირებზე გაცემული სესხების ლარიზაციამ 56.6 პროცენტი შეადგინა, იურიდიულ პირებზე გაცემული სესხების ლარიზაციამ 27 პროცენტი, ხოლო მთლიანად სესხების ლარიზაციამ კი 41.9 პროცენტი შეადგინა.

რაც შეეხება სესხების ლარიზაციას უზრუნველყოფის მიხედვით, მზარდი ტენდენცია გააჩნია როგორც იპოთეკური ასევე სამომხმარებლო სესხების ლარიზაციას, მაგრამ სამომხმარებლო სესხების ლარიზაცია მნიშვნელოვნად აღემატება უძრავი ქონებით უზრუნველყოფილი სესხების ლარიზაციას. 2020 წლის 1 მაისის მდგომარეობით სამომხმარებლო სესხების ლარიზაცია 86.7 პროცენტს შეადგენს, ხოლო იპოთეკური სესხების ლარიზაცია გაუტოლდა 31.7 პროცენტს.

დეპოზიტების ლარიზაციას მნიშვნელოვნად განაპირობებს იურიდიული პირების დეპოზიტების ლარიზაცია. 2020 წლის 1 მაისის მდგომარეობით მთლიანი დეპოზიტების ლარიზაციამ 33.8 პროცენტი შეადგინა, იურიდიული პირების დეპოზიტების ლარიზაცია ამავე პერიოდში 45.9 პროცენტს გაუტოლდა, ხოლო ფიზიკური პირების დეპოზიტების ლარიზაცია - 24.3 პროცენტს.


მიმდინარე ანგარიშების ლარიზაცია 2020 წლის მაისის დასაწყისისთვის გაუტოლდა 39.4 პროცენტს. ამავე პერიოდში მოთხოვნამდე დეპოზიტების ლარიზაცია 32.5 პროცენტია, ხოლო ვადიანი დეპოზიტების ლარიზაცია - 31.4 პროცენტი.

დიაგრამა 17: სესხების ლარიზაცია




წყარო: საქართველოს ეროვნული ბანკი

დიაგრამა 18: დეპოზიტების ლარიზაცია




წყარო: საქართველოს ეროვნული ბანკი

დიაგრამა 19: სესხების წლიური ზრდა



დიაგრამა 20: უძრავი ქონებით უზრუნველყოფილი სესხების წლიური ზრდა



სესხების მიმოხილვა

საკრედიტო პორტფელის წლიური ზრდა 2020 წლის 1 მაისის მდგომარეობით 2019 წელთან შედარებით 16 პროცენტი შეადგინა. იურიდიული პირების სესხების წლიური ზრდა კი წინა თვესთან შედარებით 1.7 პროცენტული პუნქტით შემცირდა და იმავე პერიოდში 25 პროცენტს გაუტოლდა, ხოლო ფიზიკური პირების სესხების წლიური ზრდა 8.5 პროცენტს შეადგენს.

2020 წლის 1 მაისის მდგომარეობით ეროვნული ვალუტით გაცემული სესხების ზრდამ წინა წლის შესაბამის პერიოდთან შედარებით 21.5 პროცენტი შეადგინა, უცხოური ვალუტაში გაცემული სესხების წლიური ზრდა წინა თვესთან შედარებით 1 პროცენტული პუნქტით გაიზარდა და იმავე პერიოდში 12.3 პროცენტს გაუტოლდა, ხოლო მთლიანმა საკრედიტო პორტფელის ზრდამ 16 პროცენტი შეადგინა.

2020 წლის მაისისთვის იპოთეკური სესხების წლიური წინა თვესთან შედარებით 1.2 პროცენტული პუნქტით შემცირდა და 20.3 პროცენტი შეადგინა. ხოლო სამომხმარებლო სესხების წლიურმა ზრდამ შეადგინა 12 პროცენტი.

დეპოზიტების მიმოხილვა


მთლიანი დეპოზიტების ზრდა 2020 წლის მაისში 2019 წლის შესაბამის პერიოდთან შედარებით 5 პროცენტს შეადგენს, ეროვნული ვალუტით დენომინირებული დეპოზიტების წლიური ზრდა წინა პერიოდთან შედარებით 3 პროცენტული პუნქტით შემცირდა და 7 პროცენტს გაუტოლდა, ხოლო უცხოური ვალუტით დენომინირებული დეპოზიტების წლიური ზრდა - 5 პროცენტს.

2020 წლის მაისში ფიზიკური პირების დეპოზიტების წლიურმა ზრდამ 10 პროცენტი შეადგინა.

მონეტარული პოლიტიკის განაკვეთი




საქართველოს ეროვნული ბანკის მონეტარული პოლიტიკის კომიტეტმა 2020 წლის 18 მარტს მიიღო გადაწყვეტილება რეფინანსირების განაკვეთის უცვლელად 9.0 პროცენტზე დატოვების შესახებ. აღნიშნული გამკაცრებული მონეტარული პოლიტიკა გაცვლითი კურსის გაუფასურებიდან მომდინარე ინფლაციური ზეწოლის განეიტრალებას ისახავდა მიზნად. ხოლო 2020 წლის 29 აპრილს კომიტეტმა მიიღო გადაწყვეტილება რეფინანსირების განაკვეთის 8.5 პროცენტამდე შემცირების შესახებ. ეროვნული ბანკის პროგნოზით, ინფლაცია დროებითი ფაქტორების გამო, რამდენიმე თვის განმავლობაში მაღალ მაჩვენებელზე შენარჩუნდება, შემდეგ ეტაპობრივად შემცირდება და 2021 წლის პირველ ნახევარში მიზნობრივ დონემდე დავა. ეროვნული ბანკის თანახმად, შემცირების მიუხედავად, მონეტარული პოლიტიკა გამკაცრებული რჩება, რაც საშუალოვადიან პერიოდში ინფლაციის მიზნობრივ მაჩვენებელთან დაბრუნებას უზრუნველყოფს. მონეტარული პოლიტიკის კომიტეტი გამკაცრებული პოლიტიკიდან გამოსვლას ეტაპობრივად განახორციელებს და შემდგომი ნაბიჯები დამოკიდებული იქნება იმაზე, თუ რამდენად სწრაფად შემცირდება ინფლაციის მოლოდინები. მონეტარული პოლიტიკის კომიტეტის შემდეგი სხდომა 2020 წლის 24 ივნისს ჩატარდება.

დიაგრამა 22: ინფლაცია და მონეტარული პოლიტიკის განაკვეთი



წყარო: საქართველოს ეროვნული ბანკი


დიაგრამა 21: დეპოზიტების წლიური ზრდა



წყარო: საქართველოს ეროვნული ბანკი


საპროცენტო განაკვეთები

დიაგრამა 23: საპროცენტო განაკვეთები დეპოზიტების ნაშთებზე



წყარო: საქართველოს ეროვნული ბანკი

დიაგრამა 24: საპროცენტო განაკვეთები გაცემულ, უძრავი ქონებით უზრუნველყოფილ სესხებზე



წყარო: საქართველოს ეროვნული ბანკი

2020 წლის მაისისთვის უცხოური ვალუტით განთავსებულ დეპოზიტებზე საპროცენტო განაკვეთმა 2.9 პროცენტი შეადგინა, ხოლო ეროვნული ვალუტით - 9.9 პროცენტს უტოლდება.

2020 წლის მაისში იურიდიული პირები მიერ ეროვნულ ვალუტაში განთავსებულ დეპოზიტებზე საშუალო შეწონილი საპროცენტო განაკვეთი 10 პროცენტს გაუტოლდა, ხოლო უცხოური ვალუტით - 2.5 პროცენტს. ფიზიკური პირების დეპოზიტებზე საშუალო წლიური საპროცენტო განაკვეთები უცხოური ვალუტით განთავსებულ დეპოზიტებზე გაუტოლდა 3 პროცენტს, ხოლო ეროვნული ვალუტით - 9.7 პროცენტს.

2020 წლის მაისში საშუალო წლიური შეწონილი საპროცენტო განაკვეთი მოკლევადიან სამომხმარებლო სესხებზე 20.2 პროცენტს გაუტოლდა (ეროვნული ვალუტით - 26.4 პროცენტი, ხოლო უცხოური ვალუტით - 6.1 პროცენტს).

გრძელვადიან სამომხმარებლო სესხებზე საშუალო შეწონილ საპროცენტო განაკვეთს მნიშვნელოვანწილად ეროვნულ ვალუტაში დენომინირებული სესხები განსაზღვრავს. მისი მნიშვნელობა 2020 წლის მაისში, 16.6 პროცენტს გაუტოლდა. ეროვნულ ვალუტაში დენომინირებული სესხებზე საპროცენტო განაკვეთი 17.8 პროცენტს შეადგენს, ხოლო უცხოურ ვალუტაში დენომინირებულ სესხებზე 8.3 პროცენტს.

იურიდიულ პირებზე გაცემულ, ეროვნულ ვალუტაში დენომინირებულ იპოთეკურ სესხებზე საპროცენტო განაკვეთი 2020 წლის აპრილის ბოლოს 12.3 პროცენტს შეადგენდა, ხოლო უცხოურ ვალუტით - 7 პროცენტს. ფიზიკურ პირებზე ეროვნულ ვალუტაში გაცემულ სესხებზე საპროცენტო განაკვეთი 12.0 პროცენტი შეადგენა, ხოლო უცხოურ ვალუტაში 6.2 პროცენტი.

საინფორმაციო ფურცელი

პუბლიკაცია მომზადებულია საქართველოს ფინანსთა სამინისტროს მაკროეკონომიკური ანალიზისა და ფისკალური პოლიტიკის დაგეგმვის დეპარტამენტის მიერ. პუბლიკაციაში მოყვანილი ანალიტიკური ინფორმაცია არ წარმოადგენს ოფიციალურ სტატისტიკას.

